



Na osnovu člana 69. stav (3) i člana 70. stav (1), (4) i (6) Zakona o javnim nabavkama („Službeni glasnik BiH“, broj: 39/14, 59/22 i 50/24), te člana 70. Zakona o organizaciji organa uprave u Federaciji Bosne i Hercegovine („Službene novine Federacije BiH“, broj: 35/05), direktor Kantonalne uprave civilne zaštite, donosi:

ODLUKU o otkazivanju postupka javne nabavke

Član 1.

Otkazuje se konkurentski zahtjev za dostavu ponuda za nabavku zamrzivača ultra niskih temperatura, zbog povrede postupka prilikom zaprimanja ponuda, a u skladu s članom 69. stav (3) Zakona o javnim nabavkama.

Član 2.

Ova Odluka stupa na snagu danom donošenja i u skladu s članom 70. stav (6) Zakona o javnim nabavkama objavit će se na web-stranici www.czusk.ba.

Obrazloženje

Postupak javne nabavke pokrenut je Odlukom o pokretanju postupka javne nabavke, broj: 15-11-8-11938-2/24 od 27.09.2024. godine, Javna nabavka je provedena putem konkurentskog zahtjeva za dostavu ponuda. Procijenjena vrijednost javne nabavke bez PDV-a iznosi 15.535,00 KM. Obavještenje o nabavci, broj: 6518-7-1-36-3-21/24 objavljeno je na Portalu javnih nabavki dana 21.10.2024. godine i u Službenm glasniku BiH broj: 72/24 od 25.10.2024. godine.

Vlada Unsko-sanskog kantona ima formiranu centralnu pisarnu pri Uredu za zajedničke poslove Vlade Kantona, gdje se zaprima pošta za kantonalne organe uprave i upravne organizacije. Prilikom preuzimanja pošte za Kantonalnu upravu civilne zaštite, tehničkom sekretaru Uprave je uručena koverta u kojoj je dostavljena ponuda za predmetni postupak nabavke, međutim ista je bila otvorena uz naznaku na koverti da je otvorena greškom i potpis uposlenika pisarnice.

O učinjenom propustu sačinjene su službene zabilješke predstavnika Ugovornog organa i uposlenika Ureda za zajedničke poslove.

S obzirom da se desio tehnički propust, koji je bio izvan kontrole Ugovornog organa odlučeno je kao u dispozitivu.

POUKA O PRAVNOM LIJEKU

Protiv ove Odluke može se izjaviti žalba Uredu za razmatranje žalbi BiH, putem ugovornog organa, u roku od pet dana od dana prijema iste.

Broj: 15-11-8-11938-¹⁰/24

Datum: 01.11.2024. godine.



DIREKTOR
Dževad Jevaković, prof.